

INDEX GEOGRAPHICUS. 59

que ferentibus comitantibus. Locus abest à Jerusaleme duobus Schoënis. Sed Schoëni alii ab aliis diversissimi sunt, ideoque nec loci positio facile dabitur.

Heve, unde Hevæi Populi ab Hevæo filio Chanaan sexto, Genes. 10. v. 17. & alibi multoties. Ii sunt inter Populos septem, quorum Terram Deus promittit Abrahæ. V. Gergesæi.

Hevila. Inter filios Chus Hevila secundus est, Genes. 10. v. 7. & 1. Paral. 1. v. 9. Ejus posteris sedem damus in Arabia ad Persici sinus intimum recessum. V. Chus.

Hevila alius est filius Jectan duodecimus, Gen. 10. v. 29. & 1. Paral. 1. v. 23. Ejus etiam posteris sedem damus in Arabia Fœlici, & penes Ophir & Jobab.

Hevilath sive Terra Hevilath, de qua Genes. 2. v. 11. Nomen uni Phisone, ipse est, qui circuit Terram Hevilath: ubi nascitur aurum. Fluvius est ex iis quatuor, qui in Eden describuntur. Vide Phison, quem Phasin interpretamur, & Terram Hevilath, Colchidem.

Hierapolis in Epistola Pauli ad Colossenses 4. v. 13. Testimonium illi (Epaphræ qui ex vobis est) perhibeo, quod habet multum laborem pro vobis, & pro iis, qui sunt Laodiceæ, & qui Hierapoli. Urbs est in Phrygia, & penes Asiam provinciam in Asia Minori.

Hippos urbs in conspectu Tiberiadis, & in altera parte Maris Galilææ, 30. stad. ab ipsa Tiberiade, quæ ad Occidentem: 30. etiam à Gadaris, quæ ad Orientem. Ipsam facile cum Ephron eandem facerem; nomine Ephron ad Hebraicam Hippos aut Hippus ad Græcam & Latinam linguam melius alludente. V. Ephron.

Hir-šemes, i. Civitas Solis, sic Josue 19. v. 41. ubi tertia est inter urbes, quas describit in Tribu Dan. V. Heliopolis.

Hispania, 1. Machab. 8. v. 3. & quanta fecerunt (Romani) prælia in regione Hispaniæ, &c. Paulus in Epist. ad Romanos 15. v. 24. Cum in Hispaniam proficisci cœpero, spero quod præteriens videam vos, v. 28. Hoc igitur cum consummavero..... per vos proficiscar in Hispaniam. Hispania ipsa antea intelligitur sub nomine Thubal. V. Japheth & Thubal.

Holon. V. Olon.

Hom. V. Terra Hom.

Homonæa Joseph. in vita sua, locus à Tiberiade 30. stadiis.

Hor Mons, Numer. 20. v. 22. & seq. Cumque castra movissent (Israëlita) de Cades, venerunt in montem Hor, qui est in finibus Terræ Edom, 25. & seq. In eo monte Aaron moritur: eoque vestibus suis spoliato filium ejus Eleazarum iis induit Moyses, & de monte cum illo descendit ad populum.

Horeb. V. Oreb.

Horem. Vide Magdalen-Horem.

Horma, Josue 19. v. 29. Revertiturque (limes Tribus Aser) in Horma, usque ad civitatem munitissimam Tyrum. Horma decima septima urbs est in Tribu Aser.

Horma sive Harma primum Tribui Judæ assignata, Josue 15. v. 30. inter Cefil & Siceleg describitur, in prima hujus Tribus parte; postea vero Tribui Simeonis concessa est, Josue 19. v. 4. etiam inter Bethul (quæ respondet cum Cofil) & Siceleg. Vide Animad.

Hofa, Josue 19. v. 29. in Tribu Aser, nec longe à Tyro, & ab Achziba, eaque decima nona viginti duarum urbium hujus Tribus videtur.

Hucuca, Jos. 19. v. 34. revertiturque terminus (meridionalis Tribus Nephthali) contra Occidentem in Azamoth-Thabor, atque inde egreditur in Hucuca.

h 2

Hul.

Latit.
Gr. Scr.

Longit.
Gr. Scr.

30. 50. 65. 30.

28. 30. 81. 0.

24. 20. 75. 0.

43. 30. 73. 30.

38. 45. 60. 5.

32. 28. 67. 43.

31. 37. 1/2 65. 51.

40. 0. 17. 30.

31. 5. 66. 11.

31. 36. 67. 45.

32. 47. 67. 14.

33. 19. 67. 4.

31. 21. 65. 42.

33. 6. 66. 56.

32. 50. 67. 28.